

中國方志叢書·華北地方·第五十六號

據清·張雲龍等修張鳳羽纂輯
清·道光二十六年刊本
影印

山東省

招遠縣志

(全)

成文出版社印行



10107746

中華民國五十七年三月壹一版

招遠縣志

定價：新台幣 四〇〇元正

發行人：黃 成 助

出版者：成 文 出版 社

臺北郵政信箱二二六〇五號
電話：九二二〇一〇號

印刷者：正大印製廠

三重市長生街二號之一

版權所有

內政部登記證內版臺業字第 一一四七號

序

招偏邑也其境多山其土瘠其
民貧其俗敦龐而淳朴於宋爲
羅峰鎮置而爲縣蓋閱三百餘
年稽其志缺如也夫以三百餘

年之內其人之可紀事之可紀
與夫文章政治之可紀者不知
凡幾而邑誌固缺如論世之士
烏能已於湮沒不彰之感哉嘗
攷周禮小行人採四方之風俗

納之于王太史掌之故十五國
之歌謠雖奢儉殊好貞淫異尚
本末分趨誠詐各習要無不列
於詩篇以爲後鑒迨輶軒不歷
庶邦里風不登王國求所以示

褒譏昭美刺惟邑乘是賴則纂
修之役烏容不汲汲歟茲者張
石齋以燕右名雋出宰招邑事
事折衷前代觀鑒得失會余有
葺郡志之役忤忤心喜毅然請

正於招之薦紳仲威張先生先生
生復篤志枌榆自經典史籍所
陳山經水記所載以及稗官諧
史名儒宿彥田夫野老所傳無
不採緝備至靡有缺失其間芟

繁補略辨譌正訛出其如椽光
斯盛舉華實兼優典文悉備彬
彬乎賦稅者若干萬科名者若
干人節烈者若干氏宦遊者若
干家因其地誌其人因其人誌

其俗風聲餘古悃悃無華土愿
女貞大都存唐魏之樸嗇無鄘
邶之浮靡使前此三百餘年記
載不闕則文章政治人物風流
佳話盈尺直與鄒魯齊驅豈云

偏邑哉前人有知恨三百年來
石齋仲威不生之早矣謹序

順治十七年歲在庚子登州太
守蘭陵徐可先書于緩思堂

招遠縣志序

嘗讀班孟堅地理志東萊郡領縣十七曲
成居其六因攷古封建圉侯逢以曲成戶
將卒三十七人起碣定三秦從龍功至與
絳灌諸人伍劉萬歲復自天潢派分茅海
邊縣輯玉削桐煌煌鉅典哉元封二年禱

萬里沙置三山八神祠則神爵元年也當
其時武帝旌旗孝宣珪幣焜燿掖睡間神
遑當年恍有金銀宮闕天地兵陰陽月日
四時主與蜃市鮫宮縹緲掩暎意必多祝
釐新聲如雲中君東皇太乙靈均九歌諸
篇什迭出爲金石奏壯哉縣也卽赤帝子

所喟然興歎何多讓焉嗣是後東武王伯
輿豹變黃初若籌文欽母邱儉及破諸葛
誕壽春皆決勝千里不動如山岳竟可與
王濬樓船杜征南武庫並駕方軌魁梧竒
偉卓哉人倫冠也下逮北齊天下多難盜
賊充斥杜中山送所部達北海人自爲戰

雖風鶴軍聲終無一人叛守令中名聲籍
甚百世下其聞風興起乎他若制科第三
等進士第一人自有宋迄今日千佛名經
猶放出一頭地王羅峯起濂洛眉山後弁
冕諸君子不聞當日者貽首冠蓬山誚及
充南京考試官竟撤棘騎箕尾玉樓就記

天上文章固不屑人間塵垢耶羽生平有
靈運癖若繡幙雲屯良維諸名勝嘗躡屐
一登臨輒覺呼吸通帝座謝眺驚人句恨
不攜來廼天下名山五千二百七十管敬
仲不爲屈指至金元則邱周志化諸仙人
飛昇羽化矣地氣炳靈又烏容終泯也獨

惟邑分野入胃十度正義胃三星主倉廩
五穀之府也占明則天下和平五穀豐稔
嘗臆揣之在天成象在地成形滿篝滿車
可不煩孟酒豚蹄祝自金元以來版籍之
登天府晨星落落其勉供徭役者率鵠面
鳩形桃僵則李代耳兼海濱地廣漠斥鹵

上中下錯礲礲相半在周官大司徒實三
易地問所爲牛蹄角千澤中千足彘安邑
千樹棗燕秦千樹栗蜀漢江陵千樹橘淮
北常山以南河濟之間千樹萩陳夏千畝
漆渭川千畝竹及名國萬家之城帶郭千
畝畝鍾之田大都如田舍翁酒酣耳熱仰